



Broj: 01/4-50-3-4-59/18
Sarajevo, 18.1.2018.

Z A P I S N I K

59. sjednice Komisije za finansije i budžet Predstavničkog doma Parlamentarne skupštine BiH, održane 17.1.2018., od 17 do 17,45 sati

Sjednici Komisije prisustvovali su članovi: Predrag Kožul, Salko Sokolović, Nenad Lalić, Amir Fazlić, Aleksandra Pandurević, Jasmin Emrić, Mirsad Isaković i Damir Bećirović. Sa sjednice je odsustvovala Dušanka Majkić.

Sjednici su, također, prisustvovali: poslanici Maja Gasal-Vražalica, Diana Zelenika, Mirsad Đonlagić i Damir Arnaut, Vjekoslav Bevanda, ministar, Vlatko Dugandžić, pomoćnik ministra, Halida Pašić, šefica Odsjeka za pripremu budžeta, i Dado Šarić, stručni savjetnik u Ministarstvu finansija i trezora BiH, Zoran Brkić, viši stručni saradnik u Odjelu za informiranje Sektora za odnose s javnošću Sekretarijata PSBiH, Bojan Milošević, volonter u Sekretarijatu PSBiH, Vlade Srdanović, stručni saradnik, te Željko Kosmajac, sekretar Komisije.

Sjednici je, također, prisustvovala i predstavnica medija Semira Degirmendžić.

Sjednicom je predsjedavao Predrag Kožul, predsjedavajući Komisije.

Za sjednicu je predložen sljedeći

DNEVNI RED

1. Razmatranje Prijedloga zakona o Budžetu institucija BiH i međunarodnih obaveza BiH za 2018. godinu - druga komisijska faza (predlagač: Predsjedništvo BiH).

Komisija je, s pet glasova „za“ i jednim glasom „suzdržan“, usvojila predloženi dnevni red.

Ad.1. Razmatranje Prijedloga zakona o Budžetu institucija BiH i međunarodnih obaveza BiH za 2018. godinu - druga komisijska faza (predlagač: Predsjedništvo BiH)

U uvodu u ovu tačku dnevnog reda predsjedavajući Komisije istakao je da je Predstavnički dom Parlamentarne skupštine BiH usvojio Prijedlog zakona o Budžetu institucija BiH i međunarodnih obaveza BiH za 2018. godinu u prvom čitanju na nastavku 55. sjednice

Predstavničkog doma i da su u amandmanskom roku amandmane na Prijedlog zakona uložili: Klub poslanika Saveza za bolju budućnost BiH, te poslanici: Senad Šepić, Salko Sokolović, Sadik Ahmetović, Mladen Bosić, Borislav Bojić, Maja Gasal-Vražalica i Diana Zelenika.

Potom je predsjedavajući otvorio raspravu u kojoj su učestvovali: Mirsad Đonlagić, Damir Arnaut, Aleksandra Pandurević, Diana Zelenika, Salko Sokolović, Amir Fazlić, Mirsad Isaković, Damir Bećirović, Jasmin Emrić, Predrag Kožul i Vjekoslav Bevanda, ministar finansija i trezora BiH.

Nakon rasprave pristupilo se glasanju o amandmanima.

Komisija je podržala prijedlog da se objedini izjašnjavanje o amandmanima I., II. i III. Mladena Bosića i Borislava Bojića.

Komisija je, s tri glasa "za", dva glasa "protiv" i tri glasa "suzdržan", usvojila amandmane I., II. i III. Mladena Bosića i Borislava Bojića koji glase:

Amandman I.

U Prijedlogu zakona o Budžetu institucija Bosne i Hercegovine i međunarodnih obaveza Bosne i Hercegovine za 2018. godinu u članu 3. (Raspored rashoda po budžetskim korisnicima), u koloni: „9999-2 Rezerviranja“, pod rednim brojem 1. „Tekuća rezerviranja“, predloženi iznos od „2.469.000“ umanjuje se za 200.000 i glasi: „2.269.000“.

Amandman II.

U Prijedlogu zakona o Budžetu institucija Bosne i Hercegovine i međunarodnih obaveza Bosne i Hercegovine za 2018. godinu u članu 3. (Raspored rashoda po budžetskim korisnicima), u pojedinačnoj tabeli pod rednim brojem 9. "Institucija ombudsmena za ljudska prava Bosne i Hercegovine" povećava se ukupni budžet za 200.000 KM, tako da se predloženi iznos od "2.478.000" mijenja i glasi: "2.678.000", i to na sljedećim stavkama:

- stavka: "611100 Bruto plaće i naknade" povećava se za 160.000, tako da se predloženi iznos od: "1.764.000" mijenja i glasi: "1.924.000";
- stavka: "611200 Naknada troškova zaposlenih i skupštinskih predstavnika" povećava se za 40.000, tako da se predloženi iznos od "225.000" mijenja i glasi: "265.000".

Amandman III.

U Prijedlogu zakona o Budžetu institucija Bosne i Hercegovine i međunarodnih obaveza Bosne i Hercegovine za 2018. godinu u članu 3. (Raspored rashoda po budžetskim korisnicima), u pojedinačnoj tabeli: „Pregled zaposlenih u 2017. godini s planiranom dinamikom zapošljavanja u 2018. godini“ vrši se sljedeća izmjena:

- Pod rednim brojem 9. „Institucija ombudsmena za ljudska prava Bosne i Hercegovine“, u koloni: „Broj zaposlenih 31.12.2018. godine“, broj: „56“ zamjenjuje se brojem: „63“.
- U skladu s navedenom izmjenom, vrši se izmjena dinamike zapošljavanja u Instituciji ombudsmena za ljudska prava Bosne i Hercegovine, kao i u stavci „Ukupno“, broj:

„23.174“ zamjenjuje se brojem: „23.181“.

U skladu sa usvojenim amandmanima, mijenjaju se iznosi u svim zbirnim i pojedinačnim tabelama u Prijedlogu zakona o Budžetu institucija Bosne i Hercegovine i međunarodnih obaveza Bosne i Hercegovine za 2018. godinu.

Komisija je podržala prijedlog da se objedini izjašnjavanje o amandmanima I., II. i III. Salka Sokolovića, Senada Šepića i Sadika Ahmetovića.

Komisija, s tri glasa „za“, četiri glasa „protiv“ i jednim glasom „suzdržan“, nije usvojila amandmane I., II. i III. Salka Sokolovića, Senada Šepića i Sadika Ahmetovića.

Amandman I. poslanice Diane Zelenike Komisija, s četiri glasa „protiv“ i četiri glasa „suzdržan“, nije usvojila.

Amandman II. poslanice Diane Zelenike Komisija, s četiri glasa „protiv“ i četiri glasa „suzdržan“, nije usvojila.

Amandman III. poslanice Diane Zelenike Komisija, s četiri glasa „protiv“ i četiri glasa „suzdržan“, nije usvojila.

Amandman IV. poslanice Diane Zelenike Komisija, s četiri glasa „protiv“ i četiri glasa „suzdržan“, nije usvojila.

Komisija je podržala prijedlog da se objedini izjašnjavanje o amandmanima I. i II. Maje Gasal-Vražalice.

Potom Komisija, s tri glasa „za“, četiri glasa „protiv“ i jednim glasom „suzdržan“, nije usvojila amandmane I. i II. Maje Gasal-Vražalice.

Komisija, s dva glasa „za“, četiri glasa „protiv“ i dva glasa „suzdržan“, nije usvojila Amandman I. Kluba poslanika Saveza za bolju budućnost BiH.

Komisija je podržala prijedlog da se objedini izjašnjavanje o amandmanima II., III., IV., V. i VI. Kluba poslanika Saveza za bolju budućnost BiH.

Komisija, s dva glasa „za“, četiri glasa „protiv“ i dva glasa „suzdržan“, nije usvojila amandmane II., III., IV., V. i VI. Kluba poslanika Saveza za bolju budućnost BiH.

Komisija je podržala prijedlog da se objedini izjašnjavanje o amandmanima I., II., III. i IV. Salka Sokolovića, Senada Šepića i Sadika Ahmetovića.

Komisija, s tri glasa „za“, četiri glasa „protiv“ i jednim glasom „suzdržan“, nije usvojila amandmane I., II., III. i IV. Salka Sokolovića, Senada Šepića i Sadika Ahmetovića.

Komisija je, s četiri glasa „za“ i tri glasa „protiv“, prihvatila Prijedlog zakona o Budžetu institucija BiH i međunarodnih obaveza BiH za 2018. godinu sa usvojenim amandmanima u drugoj komisijskoj fazi.

Sekretar Komisije

Željko Kosmajac

Predsjedavajući Komisije

Predrag Kožul

Prilog: Neautorizirani transkript 59. sjednice Komisije za finansije i budžet PDPSBiH